

Б. САТЕРШИНОВ

УАҚЫТТЫ ҚАБЫЛДАУДЫҢ МИФОЛОГИЯЛЫҚ ЖӘНЕ ТАРИХИ ТИПТЕРІН ТАЛДАУ

(КР ҮФА академигі Ә. Н. Нысанбаевтан ұсынылған)

Әлеуметтік құрылымдардағы кеңістіктік-уақыттық қатынастар өзінің құрделі кескінімен ерекшеленеді. Әлеуметтік, тарихи-мәдени уақыттың ерекшелігін талдағанда уақыт пен кеңістік дамудың имманентті формалары ретінде көрініс табады. Сонымен бір мезгілде, нақтылық болмысының тәсілі ретіндегі дамуды ұғыну тарихи тұрғыда кеңістік пен уақыт табиғатын түсінумен тығыз байланыста қалыптасты. Уақыт пен кеңістікті ұғынудың, өз кезегінде, терен мәдени-тарихи детерминацияға ие екендігін ескеру қажет. Бұл ежелгі дүние мен ортағасырлардағы, жана заман мен қазір-гі замандағы уақыттың мәні туралы түсініктердің, әртүрлі мифологиялық, діни және философиялық жүйелердегі уақыттың түсінірлітуімен байланысты ғұрыптар мен рәміздердің тарихи сана қалып-тасуына әсерін талдағанда анғарыла түседі.

Көне замандағы әлеуметтіліктің архаикалық типінде дүниетанымның мифологиялық формасы басым болды. Миф нақты болмысты игерудің ен ежелгі формасы болып табылады және оның мазмұны әмбебап тақырыптарды қамти отырып рәміздік тілде сипатталатындықтан, оның түйін-дері әдетте кен әрі көпқырлы болып келеді. Соның жүзжылдықтағы ғылыми әлемдегі мифология мен фольклорға деген қызығушылық және жинақтал-ған этнографиялық материалдар мен ғылыми философиялық-мәдениеттанулық енбектер [1] дүниетанымның осы формасын терен талқылауга мүмкіндік береді. Әсіреле уақыттың мифологиялық және тарихи қабылдануына қатысты М. Элиа-денің енбектері біздің зерттеуіміз үшін аса құнды.

Мифті «қасиетті тарих» деп анықтауға болар еді. Мифте әзел бастапқы уақытта орын алған оқиғалар сөз болады және ол тұластай немесе жекелей алғандағы дүниенің жаратылуымен байланысты болып келеді. Жарату актіне міндепті түрдө табиғаттан тыстылым күштер қатысады, соның нәтижесінде алғашқы қауымдық адам үшін миф – жалғыз шынайы нақтылық. Оның үстінен миф адами әрекеттің маңызды түрлері мен ғұрыптарының үлгісі мен прототипі болып, архаттарынан бүкіл тарихы бойында әлеуметтік функцияны атқарып келді. Мифологиялық ойлау көне заманының (әсіреле антикалық дәуірдің) философиялық тұжырымдамаларында, ортағасырлардың діни дүниетанымында, кез келген милленаристік козғалыстарда басым болды және бұл қазіргі заман-

ның өнері мен философиясында қайта жаңғырып отыр. Мифологиялық құрылымдар мен бейнелер қазіргі бұқаралық ақпарат құралдарының өнімдеріндегі жана фольклорлық кейіпкерлерден көрі-неді және қазіргі заманғы супермен мифологиялық персонажға тән белгілерге ие.

Адамзат тарихының байырғы кезеңінде субъект өздеріне табиғатты жалаң объект ретінде қарсы қоя қойған жок. Бұл кезеңдегі қоғамдық қатынастар жеке тәуелділіктері қатынастар болды, ал материалдық өндірістегі әрекет қазіргіден анағұрлым тұрпайы әрі натуралды болды. Қазақстандық зерттеуші А. А. Хамидовтың пікірінше, «алғашқы қауымдық адамның санасында кеңістік пен уақыттың нақты атрибуттарының бейнелері мифологиялық-сакралды атрибуттармен біте қайнасып кетті. Бұл жердегі уақыт пен кеңістік антропо- және социоморфты. Олар біртекті емес, сондыктан да сезімдік-құндылықтың тұрғыдан алғанда анизотропты. Кеңістіктің архаикалық категориясы үшін ең маңызды сипаттамалар Жер кіндігі пен Жол болып табылады. Кеңістіктің Кіндігі оның сакралдылығының (қасиеттілігінің – Б.С.) барынша шоғырланған тұсы болып табылады; қасиетті орталықтың радиусы бойынша оның жан жағында профандық (көдүлігі) периферия шоғырланған. Фарышқа тиесілі кеңістіктің аргы жағында Хаосқа тиесілі бос кеңістік орналасқан. Архаикалық адамның өмірқамының нақты жағдайлары осы ұғымдарда бейнеленді» [2, 510].

Кеңістіктің табиғатын осылайша түсіну уақыттың да архаикалық түсінігіне әсер етпей қоймады. Танымал американ-француз-румын ғалымы Мирча Элиаденің тұжырымдамасына сәйкес, «сакралды мифологиялық уақыт бар, онда құдайлар әрекеттеп, мифтер жүзеге асатын космогония жаратылады. Және осы сакралдылыққа сәйкес, бірақ онымен салыстырғанда «әлсіздеу» профандық уақыт та бар. Мифтің баяны – иерофаниямен (құдайдың көрініуімен) тенгеруге болатын «қасиеттіліктің» шабыты. Профандық уақыт тарихи. Мифологиялық уақыт тек ұжымдық жадыда, дөлірек айтқанда, ұжымдық бейсаналылықта сақталса, ал профандық уақыт бірбағытты, қайтымсыз және индивидуалды санағатын табеді» [3, 12].

Осы тұста М. Элиаденің енбектерінде жиі кездесетін «мифологиялық ойлау», «ұжымдық бей-

саналық» ұғымдарының тарихи санамен арақатынасын ашудың реті келіп тұр. Бұл идеяларды М. Элиаде Эмиль Дюргеймнің элеуметта-нулық мектебінен және Карл Густав Юнгтің тұжырымдамасынан алған. Дюргеймнің француздық мектебінің өкілі Л. Леви-Брюль «мифологиялық ойлау» түсінігін анықтап, оны ғылыми айналымға көнінен енгізсе, ал Юнг өзінің психоаналитикалық еңбектерінде «ұжымдық бейсаналық» ұғымын молынан қолданды. Алайда Леви-Брюль мифологиялық ойлауды «прелогикалық» ойлаумен біріктіреп болса, Элиаде олай істемейді. Прелогикалық ойлау тұжырымдамасы архаикалық адам мен қазіргі адам логикаларының арасындағы айқын шекаралық болуынан туындаиды. Біріншісінің ойлауы таза ассоциативті болса, екіншісінے силлогизмдер құрастыру тән деп есептеледі. Алайда тарихи сананың қалыптасуы Леви-Брюльдің тұжырымдамасынан түсіп қалса, ал Элиаде ойлаудың архаикалық және қазіргі типтерінің одан арғы диалектикасын антикалық дәуірден бүтінгі күнге дейінгі бүкіл европалық тарихтың өн бойына телиді.

Кейінірек француз структуралисті Клод Леви-Стросс өз зерттеулерінде «прелогикалық ойлау» ұғымынан түбегейлі бас тартып, оған тарихи дамудың барлық кезеңдерінде адам ақыл-обының бірлігі заңдылығын қарсы қойды. Ол «ұжымдық түсініктер» туралы ілімді одан ары дамытып, мифологиялық ойлаудың құрылымдарын айқындағы. Дегенмен мифология саласындағы теориялық ізденістердегі басымдылық Элиадеге тиесілі деп есептеледі, бұл жерде «Мәңгі айналым туралы мифтің» «Құрылымдық антропологиядан» оншакты жыл бұрын жазылғандығын да ескеру керек.

«Мәңгі айналым туралы миф», «Миф пен шынайылық», «Қасиеттілік пен кәдүілгілік» тәрізді еңбектерінде М. Элиаде мифологиялық уақыттың қайталанбалылығы мен кәдүілгі уақыттың бір-бағыттылығы туралы қағиданы негіздейді. Зерттеушінің бұл жұмыстары алғашқы қауымдық адамдардың және «тарихи» деп аталып кеткен кейінгі адамдардың уақытты қабылдауы мәселе-сіне арналған. Осы жерде, «тарихи қоғамдар» терминінің батыстық әдебиетте Леви-Стросстан кейін кең қолданылып кеткенін айта кету керек. Оның еңбектерінде алғашқы қауымдық (мифологиялық) қоғамдар өркениетті (тарихи) қоғамдарға қарсы қойылады, бұлардың біріншісі «салқын қоғамдар» деп аталса, екіншісі «қызы қоғамдар» деп аталады. Біріншісі бір ғана архаикалық құрылымдарды қайта жаңғырта берсе, екіншілері қимыл-қозғалысқа, прогресске бейім келеді деп саналады. Элиаде еңбектерінде бұл қоғамдардың арасындағы айырмашылық уақытты

қабылдаудағы сананың мифологиялық және тарихи тип-терін қарама қарсы коюдан байқалады: циклдік (қайталанбалы) уақытқа немесе линиялық (бірбағытты) уақытқа мәдениеттің белгілі бір тарихи типті сәйкес келеді. Галымның пікірінше, тарихи адамның қалыптасуы Ыбырайым пайғамбардың үмбетіндегі иудей-христиан-ислам діни кешені-нің орнығымен жүзеге асады. Ортағасырлық халықтық өмірде циклдік уақыттың жұмақ бағы-на жабысып айрылмау үрдісі сақталып қалғанымен, сананың тарихи типті басымдылық танытып, адамдар тарихының (историзмнің) жүгін арқалай бастады.

Дегенмен біз архаикалық дәуірдегі уақыт түсінігіне қайта оралайық. Жерге тән болмыстың аспанмен, ғарыштық саламен, сондай-ақ жер асты әлемімен тығыз байланыстылығы мифологиялық сананың айрықша ажырамас белгісі болып табылады. Бұл барлық халықтардың мифологиясында кездеседі, ежелгі грек аныздары мен қазақтың киіз үй құрылышын еске алсақ та жеткілікті болар. Аспан, жер асты әлемі және оның ортасындағы жер бетіндегі дүниес туралы мифологиялық аныздар өзінің бастауын Алғаш-қы Жаратылыстан алады. Бұл эпсоналарда бастапқы шашыранқы Хаос бөлініп, тәртіпке келіп Гарышка айналады. Күн мен жылу орнығып, жер судан айрылып, сосын тірі жан пайда болады. Атақты Құлтегін ескерткішінен мына жазуды оқимыз: «Төбеде көк аспан, ал төменде кара пайда болғанда, олардың ортасында адам баласы жаратылды». Аспан мен Жерді осы жер кіндігінен есіп шығатын өзек Қасиетті Тау немесе Алып Бәйттерек байланыстырады. Осы алғашқы жаратылыста кеңістік тәртіпке келіп қана қоймай, уақытсыздықтан уақыттылыққа өту де жүзеге асады, алғып бәйтеректегі «аты жоқ көкектін» шақыруымен уақыт ағысының ырғағы беріледі. Дүниеде елшемнің пайда болуымен әртүрлі сападағы, әртүрлі мазмұндағы кеңістік пен уақыттың кесінділері де бекіді.

Дүниенің жаратылуы туралы мифологиялық білім байрығы қоғамның танымдық мұқтаждықтарын қанағаттырумен ғана шектеліп қалмады. Бұл қоғам өз тұсындағы әлемнің жағдайын, салдарды себеппен байланыстырғандай, дүниенің жаратылысымен заңды түрде байланыстырды [4, 6]. Алғашқы жаратылыс дәуірі мен «қазіргі заманың» арасындағы мәдениеттің уақыттық шәкілінде бос кеңістік болса да, бұл қауымдастық өз заманындағы ахуалды мифтік жаратылыстың тікелей салдары және соның жалғасы деп есеп-теді. Осы шақ өткеннің жаңғыруы деп пайымдалды және өткенге сүйену оның бүтінгі күніне сенімділік берді. Дәстүрлі мәде-

ниеттерде преце-денттің рөлі мейлінше маңызды. Егер алғашқы жаратылыс дәуірі – бұл үздіксіз үдерістің бас-тапқы ахуалы ретіндегі бүгінгі күннің себебі болса, онда осы прецедентке жүгінудің терен мәні бар [5, 37]. «Сол кезде және сол жерде» бол-ғанды «осы сәтке және осында» проекциялау мифті ғұрыптың дырудың ең басты мақсаты.

Сонымен хаостан пайда болған «өмірлік кеңістік» ғұрыптың арқасында «формаға», шына-йылыққа ие болады және бұл шынайылық көбіне қасиетті (сакралды) сипатта болады, өйткені қасиеттілік абсолюттік мағынада тиімді әрекет етеді, жасампаздықпен нәрселерге ұзак өмір береді. «Кеңістікке, уақытқа, нәрселерге, адамдарға және т.б. қасиеттілік сипаттың берудің сансызы әрекеті, – Элиаденің ойынша, – шынайылыққа деген ұмтылыстан, алғашқы қауымдық адамның болуга деген құмарлығынан хабар береді» [3, 38].

Ғұрыптармен қамтамасыз етілген жалпы сакралдылық профандық уақытка да өз ықпалын тигізді. Әлеуметтіліктің архаикалық типіндегі адам өз іс-әрекетінде табиғат (өзіне жақын географиялық орта мен жұлдызды аспан) пен оның табиғи ырғактарына беріліп кететіні сонша, ол тек осы ырғактар мен циклдік қайталануды өз санасына сініріп алды. Уақыт бұл жерде адам үшін айналмалы және қайталанбалы, сондай-ақ антропо-социоморфты, яғни адам үшін әлеуметтік тұрғыда маңызды.

Адам шынайы нақтылықтан тек қайталануды көреді және соған бағдарланады. Күнді түн алмастырады, жылдың төрт мезгілі бірін бірі алмастырып, ақырында түпкі бастауына қайта оралады. Өз кезегінде, күннің өзі бірнеше циклдерге (таң, түс, кеш және одан арыға ыдырайды) бөлінеді. Уақыттың циклдік сипатына бағдар-ланған адам өзінің төнірегінен тарих пен дамуды көрмейді. Ол, әрине, дамудың кейір «жекелеген» ырғактарымен ұшырасуы мүмкін, бірақ оның өзін қайталанушылықтың анықтамаларымен түсін-діреді. Адам туылады, өмір сүреді және өлеңді, бұл ырғакта да қайталанушылық бар.

Көшпелі қазақ және тағы басқа шығыс халықтары космогониялық тәжірибелердің арқасында он екі айдан тұратын жылдық циклді қалыптастыруды, уақытты одан ары түсіну нәтижесінде он екі жылдық мүшел цикліне келді. Ал таза көш-пенділіктің өзінің де өзіндік уақыттың циклі болады. Бұл белгілі бір дала аймағы бойынша оның қозғалыс ырғағына, бір экожүйені тиімді пайдалануға байланысты. Бұл цикл әдетте үш жұз жылдықпен саналады. Ежелгі түркілер мен қа-зактардың ата-бабалары өздерінің табиғатқа ете жақындығымен фенология-

лық күнтізбені қолданды. Мұның өзі халық – адам – табиғат қатынасын мейлінше толық әрі лайықты көрсететін болмыс қисыны. «Этнос, – деп жазады Л. Н. Гумилев, – табиғат құбылысы, ол әлеуметтік институттар формасына ауысып отырады және әрбір жеке жағдайда – тіл, дәстүр, идеология, материалдық мәдениет және т.б. индикаторлар арқылы айқындалады».

Дәстүрлі мәдениетуақыттың тұзу желілік емес, циклдік өлшемін пайдаланды және оның негізіне көдуілгі табиғи ырғактар жатты. Мысалы, қазактардың ай атауларын алайық: «наурыз» – жана күн дегенді білдіретін жыл базы, «көкек» – тіршіліктің оянып, құстардың оралу уақыты, «отамалы» – мал барынша тойынады, «қазан» – шептің таусылуы, «қантар» – күннің қысқарылуы, қантарылуы және т.б. Қазақтардағы қысқа уақыт өлшемдері де табиғатырғағындағы шаруашылық әрекеттің анғартады. Минут, сағаттардың орнына «сүт пісірім», «бие сауым», «ет асым» және т.б. уақыт өлшемдері колданылады.

Тарихи жазба деректер қалдырып кеткен көне өркениеттердің көвшілігі – мысырлық, месопотамдық, ирандық, грек, рим, колумбқа дейінгі Америка өркениеттері – әрқайсысы өз бетінше тарихтың циклдік тұжырымдамасын дамыткан және тарихтың абсолюттік ақыры дегенді білмеді. Бұл тұжырымдама есіресе Ежелгі Үнді елінде анағұрлым толық қалыптасқан; жанның көшүі туралы ілім дәл осы жерде ерекше көң тарады, осы күнге дейін өмір сүріп келген касталық құрылыштың пайда болып, өмір сүруінің бір себебі де осында және оның әлеуметтік салдарлары да баршага аян.

Орасан зор уақыт кесінділерін алып жатқан ғарыштық циклдердің ырғағы өмір мен өлімге, сонымен бірге жақсылық пен жамандықтың мәңгі күресіне жолдама береді. Зұлымдық үстем болғанда әлемнің ғимараты құлайды да, ал рәмізі алтын жұмыртқа болып табылатын дүниенің қайта жанғыруы жарық пен жақсылық белгісінде жүзеге асады. Екі жұз елуге жуық метафизикалық және мистикалық поэмалардан тұратын үнділік Упанишадтар әлемнің осындаи циклдік тұжырымдамасын береді. Мұндағы қайталанушылықтардың тізбегін жан алмасу үдерістері жүзеге асатын хаос пен қайта жанғырулар цикліне құ-дайларды, адамдарды және жануарларды тартып алатын алып шығырмен салыстыруға болады. Бұл шеті-шегі жоқ шеңберден шығу үшін көптеген нәрселер мен мәндерден тыска шығып, барлық мәннің тұтастығымен сінісу керек. Ал мұның жолы («йога») әртүрлі мектептерде әрқиылды белгіленеді: әрекет («карма»), білім

(«джнана») немесе ізгілік («бхакти»).

Таяу Шығыс пен Мысыр, Алдыңғы Азия мен Иран, грек-рим өркенисттері ұлы монотеистік діндерді дүниеге әкелген діни белдеу болып саналады. Мысырлықтардың үнділіктерден ерекшелігі жекелеген адам өлгеннен кейін жер асты әлемінде өмірін жалғастырады деген түсінікпен сипатталады. «Өллөр кітабы» осыдан хабар береді, орасан зор алып пирамidalар мен сфинкстердің салынуы да осыны қуаттайды. Дүниені хаостан жаратқан көне гректердің космогониялық мифологиясы да жақсы мәлім. Ежелгі Қытай мен Римдегі, сондай-ақ афроазиялық, евразиялық көшпенділерде ата-баба рухына табыну көнінен таралды. Бұл табынушылық жер бетіндегі мәнгі өмір сүруді білдіріп тұргандай, әлдекашан опат болған ата-бабалар ұрпақтарының жадында олардың өздерімен бірге қатар өмір сүре береді. Бұл «қоғам тек тірілерден ғана емес, тірілердің есінде қалған өлілерден де тұрады» деген Огюст Конттың сөздерін еске түсіреді.

Сонымен, бұл миф дегеніміз бағзы замандардан бері ұрпақтан ұрпаққа беріліп келе жатқан немесе Платон іліміндегідей, толығымен ойдан шығарылған аңыз-эпсаналар болып табылады екен. Бұл мильтер сол заман адамдарының рухани мұқтаждығын, зерделі жаннның қунделікті өмірден туындаитын практикалық сұраныстарына ғана жауап беріп қоймай, трансценденттікten де таласы болды.

Уақыттың циклдік тұрғыда қабылдау табиғи шынайылықта да, әлеуметтік шынайылықта да кез келген жаңа түзілімге орын берген жоқ, барлығы да мәнгі қайталанудан тұрды. Бұл «алғашқы қауымдық» онтологиялық тұжырымдаманы М. Элиаде былайша түсіндреді: «нәрсе немесе іс-кимыл тек архетипке қандай мәлшерде дәл еліктеғеніне және соны қайталағанына қарай шынайылыққа ие болады. Осылайша, қайталану немесе қатысу арқылы ғана шынайылыққа жетуге болады, еліктейтін үлгісі жоқтың бәрінің «мәні жоқ», басқаша айтқанда оларға шынайылық же-тіспейді. Адамдардың архетиптікке және парадигматикалыққа ұмтылатыны сондықтан» [3, 38].

Элиаде тарихи оқиғалардың категорияларға, ал тарихи тұлғалардың архетипке айналатынын айта келе, ұжымдық жадыны тарихи емес деп есептейді, өйткені фольклорлық шығармадағы немесе эпикалық поэзиядағы уақиғалар немесе қаһармандар жоғарыдағы архаикалық онтологияға сай, бір-екі ғасыр өтө келе индивидуалдық қабылдауға емес, үлгі ретінде ойлаудың архаикалық тәсілімен ұжымдық жадыда орын табеді. Ал «тарих» ретіндегі жекедара еске алуды Элиаде «тарихи санаға» немесе

қазіргі адамның сана болмысына тән деп пайымдайды, «қайтымсыздық пен тарихтың жаңашылдығына деген қызығушылық адамзаттың таяуда ғана ойлап тапқаны, керісінше архаикалық адам тарихтың бойындағы жаңалық пен қайтымсыздықтан барынша қорғануға тырысты.

Ал шынайылықты дамушы ретінде түсіну үшін кеңістікті орталықсыздандырып, уақытты түзету керек. Уақытты түзеудің тарихи миссиясын, беделді зерттеушілердің пікірінше, бастапқыда иудазим, артынша христиан діні және сонынан ислам діні атқарды. Бұл әлемдік ұлы діндер «жоқтан бар жасаған Құдай туралы және ақырызаман туралы әлемнің тарихы туралы ілімді үйретті» [6, 20]. Сонын нәтижесінде циклдік аграрлық немесе мифологиялық уақыт бір сызықта түзетіліп, бірбағыттылық қалыптасты. Бұл тарихи уақыт санада бірден қалыптаса қойған жоқ, бастапқыда элитарлық бағытта жүрсе, кейінірек бірнеше ғасырлар барысында реесми діни идеологияның орнығы барысында тарихилықтың бекітілуіне әкелді.

Дегенмен бірбағытты тарихи уақыттың пайда болуын ирандық ұлы реформатор Заратустрамен байланыстырап болсақ, онда линиялық тарихтың пайда болу датасы одан да ары ығыстырылар еді. Оның ілімінде ізгі рухани күш пен зұлым физикалық күштің мәнгі күресі, ақырында ізгілердің мара-патталып, зағымдардың жазаланатын соңғы Есеп беру қуні туралы идеялар тұнғыш рет айтылды. Алайда көптеген зерттеу-шілер зороастризм дінін монотеистік емес, дуа-листік дін деп қарастырады.

Үбрайымдық (Авраамдық) дәстүрдегі діндердің қасиетті кітаптарындағы айтылғандардың қазіргі ғылымда дәлелденуін, гуманитарлық ойдағы «тарихтың ақыры» туралы пікірлер мен жаратылыстарнудағы «ұлксен жарылыс» теориясын, жүлдіздардың, оның ішінде біздін Күннің өмір сүру мерзімдерін ғалымдардың есептеп шығаруын, біздін жербесікті адамның өзінің әрекеті-мен жою мүмкіндігін ескерер болсақ, осыдан үш мың жыл бұрын аян болған бұл ақиқатқа таңданбасқа шараның қалмайды.

Тарихтың бірбағытты тұжырымдамасының қайтымсыздығы адамзаттың іс-әрекетіне біртұтас өлшем береді: әлемдегі барлық нәрсе жана және іс-әрекет пен қызықтардың әрбір жағдай мен әрбір адам үшін жағымды және жағымсыз екен-дігінің түпкі мәнін ашып беретін ақырзаманға қарай бағытталады.

Ескеретін бір нәрсе, уақыттың циклдік тұжырымдамасы да, линиялық тұжырымдамасы да діннің қандай да бір формасымен үнемі сәйкес-тендіріле бермейді. Мысалы, циклдік тұжырымдамамен бай-

ланысты да (айталақ платонизм), линиялық тұжырымдамамен байланысты да (Ыбырайымның ұмбетіндегілер) монотезмнің формалары кездеседі. Сондай-ақ циклдік ұстанымды қабылдаған көне стоиктер де, бүгінгі күні коммунизмнің жарқын болашағымен сипатталатын тарихтың ақырын мойындаған материалистік философия да атеистік бағдарды ұстанады.

Мирча Элиаде тарихты теофания ретінде қарастырады. Мифологиялық санадан тарихи санаға өту діни тәжірибемен келген сенімнің накты тарихи ғұрыптың іс-әрекеті – Ыбырайым пайғамбардың өз ұлы Ысқақты Құдайға құрбан етуінен басталады. Осы прецеденттің аркасында Ыбыра-йым архетипті әрекетті қайталаудың дәстүрлі тұжырымдамасын бұзып, жаңа діни тәжірибе – сенімнің негізін қалайды. Алайда Элиаденің ойынша, бұл сенім бірден қалыптасқан жоқ, қалыптасу көптеген ғасырлардың қамтыды, бастапқыда элитарлық, индивидуалдық қалыпта болды. Сондай-ақ иудейлік элитаның тарихты қабылдауы мен оның құндылығын мойындауы дәстүрлі архаикалық онтологияны толығымен күртете алған жоқ. Дүниенің ақырғы қайта жаңғыруына деген мессиандық сенімнің өзі антитарихи ұстанымды білдіреді. Уақыт пен тарихи оқиғалардың қайтымсыздығы уақыт ағымындағы тарихтың шектелуімен алмастырылады, әлемді қабылдаудың мессиандық нұсқасында тарихқа төзе тұруға тұра келеді, өйткені ол болашақтың бір сөтінде бәрін жоққа шығарып, циклді қайта жаңғыртатын эсхатологиялық кызметті атқарады.

Қазіргі біздін заманымызда, есірессе ХХ ға-сырдың соны мен үшінші мыңжылдықтың қарсанында діни сипаттағы болсын, зайырлы сипаттағы болсын эсхатологиялық көніл-күйлердің күшіне түскені белгілі. Бұған милленализмнің есері де көп себеп болғаны даусыз. «Өркениеттерге өлім тән», – дейді Поль Валери. Жоғарыда келтірілген қияметтің белгілері де адамның өзімілдігі мен қунәнәрлінан жербесіктің өзінің өмірін қауіпті жағдайға қойды. Адамзаттың жалпы қунәнәрліғы туралы ой уақытың циклді тұжырымдамаларында да кездеседі, онда бұл белгілер жана циклдің басталар алдындағы кезекті циклдің аяқталуының белгілері қызметтін атқарады. Ал уақыттың линиялық тұжырымдамасында бұл, өздерініз аңғарғандай, тарихтың ақырына мензейді немесе Мессия патшалығының (иудейлік дәстурде), Парусияның (христиандықта) және ақырзаманның (исламда) алдында орын алады.

Сонымен уақыттың бірбағытылығы Ыбырайым дәстуріндегі ұлы діндердің орныгуымен, есірессе ондағы эсхатологиялық бағдармен бекі-тілді дедік.

Алайда динамикалық уақыттың қазір-гі түсінігі, кеңістік пен уақыттың децентралізациясы мен де-сакралізациясы толығымен Жаңа заман дүниетанымында жүзеге асты деуге болады. Өйткені қазіргі үстемдік алып отырған әлем-дік еркениеттің түбірі осы еуропалық Жаңа заманда қалыптасты деуге болады.

Биологиялық және планетарлық-ғарыштық уақытпен салыстырғанда әлеуметтік уақыт бір-қалыптың тегіс өтпейді және сонысымен де ол тарихи санаға өзіндік ықпалын тигізді. XX жүз-жылдықтағы ғылыми-техникалық төңкеріс әлеу-меттік кеңістікті «сығып» таstadtы және қоғамдық-экономикалық үдерістердің дамуына жарылыштық сипат беріп, уақыттың жүрісіне шектен тыс шапшандық кости. Жербесік «кішірейіп» кетті және біртұтас адамзат үшін «тарлық» қыла бастады, ал планетаның бір шетінен екінші шетіне өту (Айға және басқа да ғарыштық денелерге ұшудың уақыты мен жылдамдығын айтпағанда) енді сағаттармен ғана өлшеңе бастады, бұл алдынғы ғасырда адамның миына кіріп-шықпайтын құбылыштар еді.

Сонымен бірге корпускулярлық әлеммен өзге толқындық, жарыктық, электромагниттік, кванттық әлемдердің, салыстырмалылық теориясының ашылуымен ньютондық-галілейтік ғылымның дағдарыска ұшырауы, қазіргі жаратылыстанулық-ғылыми тұжырымдамалар, «ұлken жарылыс», синергетика, коэволюция теорияларының ашылуы, сондай-ақ адамның әлеуметтік-психологиялық болмысындағы түбегейлі өзгеріс-тер және т.б. тарихи санадағы уақыт туралы түсініктерді қайта қарастыра мәжбур етіп отыр.

Қазіргі заманғы философияға Фридрих Ницшеңің «мәнгі айналым» идеясы мен антитарихи көзқарастары [7] зор ықпал еткенін де айта кету керек. Тарихилық сананың тұнғылығы терен теориялық киындықтарына Риккерт, Трельч және Зиммель барынша бойлап көрді [8]. Қысқа-сы, Р. Дж. Коллингвуд және Ортега-и-Гассет [9] оның мәселелерін ішінара шешүге тырысты. Алайда М. Элиаденің пікірінше, тарихилықтың философиялық негізделуін, релятивизмнен ада «тарих философиясын» негіздеуді жүзеге асыру онай шаруа болып отырған жоқ. Сондыктан да оның шығармашылығында тарихи уақыттан құттылуға деген ұмтылыс, мифологиялық мәнгі қайталануға деген ностальгия сезіледі. Тарихи сананы жоққа шығаратын тарихи шылдықтың кесірі туралы, объективті тарихтың болмай, тек саяси тарихтың ғана болатыны туралы Карл Раймунд Поппердің де «Тарихилықтың жұтандығы» (1957 ж.) деп аталағын арнаулы еңбегі бар.

Бұғынгі күні «тарихтың ақыры» туралы идеялар мен эсхатологиялық қөніл-күйлер тарихи, діни және ғылыми-фантастикалық шығармаларда үнемі бой көрсетіп отыратын әдеби жанрга айналды. Кітап сөрелері де осы тақырыптағы әдебиетпен толтырылды, бұқаралық ақпарат құралдары да осы мәселеңі өз басылымдарында үнемі көтеріп отыратын болды. Басқаша айтқанда, «эсхатологиялық феномен» біздің заманымыздың айрықша бір белгісіне айналды.

Ерине, бұл құбылыс адамзаттың тарихи сана сы үшін таңсық емес екендігі, оның діни санамен тікелей байланыстылығы жоғарыда айтылды. XX ғасырдың өзінде діни эсхатологиялық жүйелермен (мысалы, мормондар мен «Иегов қуәгерлері» секталары, Рене Генонның, Тейяр де Шарденнің ілімдері, «New Age» қозғалысы, әртүрлі теософиялық құрылымдар және т.б.) қатар, неміс ұлтшылдығы және орыс коммунизмі де милленаристік идеологияны бүркенді. Алайда бұлар өздерінің зайырлы түсіндірмелерінде тарихтың ақыры ретінде «жаңың болашактың» келуін дәріптесе, қазіргі экологиялық апат жағдайындағы қоршаған ортанды адамдардың одан ары ластауы және өзіміштің тұтынушылығы, сондай-ақ адамның жаттануы мен тамырдан ажырап жалғызысырауы нәтижесінде сенімсіздік келешекті тұманды етіп көрсетеді. Осыған жауап ретінде бұғынгі күні дін рухани қажеттілік ретінде көзге түсіп отыр.

ӘДЕБІЕТ

1. Фрэзер Дж. Фольклор в Ветхом Завете. М., 1985; соның. Золотая ветвь: Исследование магии и религии. М.: Политиздат, 1980; Тэйлор Э. Первобытная культура. СПб., 1896; Элиаде М. Аспекты мифа. М.: 2000; соның. Космос и история. М.: Прогресс, 1987.

2. Хамидов А.А. Развитие // Диалектическая логика: Категории сферы сущности и целостности. Алма-Ата: Наука, 1987.

3. Элиаде М. Космос и история. Избранные работы. М.: Прогресс, 1987.

4. Топоров В.Н. Модель мира // Миры народов мира. М., 1982. Т. 2.

5. Франкфорт Г., Франкфорт Г.А., Уилсон Дж., Якобсен Т. В преддверии философии: Духовные искаания древнего человека. М., 1984.

6. Патрик де Лобье. Эсхатология / Пер. с фр. Н. Зубкова. М.: ООО «Издательство астрель»: Издательство ACT», 2004. 158 с.

7. Ницше Ф. О пользе и вреде истории // Соч. В 2-х т. М., 1990.

8. Риккерт Г. Философия истории // Риккерт Г. Науки о природе и науки о культуре. М.: Республика, 1998. С. 132-165; Трельч Э. Историзм и его проблемы: логическая проблема философии истории. М., 1994.

719 с.; Зиммель Г. Проблемы философии истории. М., 1898.

9. Кроче Б. Теория истории // Антология сочинений по философии. СПб., 1999; Орtega-и-Гассет Х. История как система / Избр. труды. М.: Весь мир, 1997; Коллингвуд Р.Дж. Идея истории. Автобиография. М., 1990.

Резюме

Анализируются социокультурные версии временно-пространственных отношений в истории философии и науки, а также их влияние на формирование исторического сознания. Раскрывается содержание культурно-исторического времени и выделяется циклическая (мифологическая) и линейная (историческая) концепции исторического времени. Отмечается связь природного и социального космоса в народном, мифологическом сознании, а также исследуются эсхатологические традиции в историческом сознании.

Summary

Socio-cultural versions of time-space relations in the history of philosophy and science, and their influence on forming of the historical consciousness are analyzed in the article. Content of the cultural-historical time and the cyclical (mythological) and line (historical) conceptions of the historical time and marked out. Connection of the natural and social cosmos in the folk, mythological consciousness is highlighted, and eschatological traditions in the historical consciousness are examined as well.

Философия және
саясаттану институты

01.06.09ж. түскен